

國立故宮博物院珍藏

# 清代起居注冊

康熙朝

第二十冊



國立故宮博物院珍藏

# 清代起居注冊

康熙朝

第二十冊

## 第二十冊目次

|               |       |
|---------------|-------|
| 康熙五十年十月·····  | 一〇九五七 |
| 康熙五十年十一月····· | 一一〇五一 |
| 康熙五十年十二月····· | 一一〇九七 |
| 康熙五十一年正月····· | 一一一七一 |
| 康熙五十一年二月····· | 一一二一三 |
| 康熙五十一年三月····· | 一二七一  |
| 康熙五十一年四月····· | 一一三三五 |
| 康熙五十一年五月····· | 一一三九三 |
| 康熙五十一年六月····· | 一一四四九 |

康熙五十年辛卯十月初一日丙辰辰時

上御乾清門聽政部院各衙門官員面奏畢大學

士溫達陳廷敬蕭永藻學士王思軾滿保彭

始搏巴顏住薩爾泰宗聖保鄒士璉巴格以

折本請

旨尚書貝和諾齊世武郭世隆陳誥左都御史趙

申喬遵

旨進前列跪

上問貝和諾曰爾等皆地方大臣為何縱容盜賊不行查拿貝和諾奏曰臣等庸懦將盜賊不行詳查緝拿即臣等之罪有何辯處郭世隆奏曰據地方官報陳四等並未在地方生事臣不詳查放過皆臣庸懦之處有何辯處

上曰趙申喬爾有何說趙申喬奏曰四十八年十

二月地方官以陳四等申報到臣臣即行查  
有無器械並嚴查匪類去後因值封印未及  
申報至四十九年開印臣即往岳州候審陳  
四等過去時臣已經解任然不能嚴查於前  
即臣庸懦之處有何辯處

上曰陳誥爾有何說陳誥奏曰班漢傑控告到臣  
臣即交按察司確審按察司行查該地方官

據荊州府報陳四等並未生事申詳到臣荊  
州府武昌府相隔七百里查報之間陳四等  
早已過去臣不能詳查皆臣庸懦之處有何  
辯處奏訖皆免冠叩首謝罪

上問齊世武曰為何將此事不加詳審齊世武奏  
曰臣一時識見不到聽信伊等謊言作為饑  
民背謬具題皆臣庸懦之處有何辯處亦免

冠叩首謝罪

上曰一時識見不到是何言也若係饑民必擔負  
子女徒步轉徙陳四等百有餘人身帶器械騾  
馬駝馱由潼關臨洮至貴州又回轉河南行至  
湖廣豈得謂之饑民乎饑民豈有不在收成處  
所棲止之理將此等處並不查問者爾等得無  
偏意在賊乎因而齊世武等又再三叩首

上曰百有餘人爾等不在意中即千餘人亦不過如此矣此等事不留意嚴查將來為害不小督撫有察吏安民之責即使操守清廉縱盜害民於地方何益今江浙盜賊繁多至蘇州府城內被賊搶奪巡撫毫不介意撫標有數營平素以俸祿錢糧恩養者何意也地方官但思為己以致陳四等統行數省竟無一人問及惟各誘令

出境而已且如朱三太子被執之時伊亦曾供  
出多人又

曰前四川百姓畏避酷吏有二三千人至貴州  
貴州巡撫劉蔭樞安慰發回曾具摺奏聞此乃  
理也為大臣者有致君澤民之責應為國防慮  
後來實心効力徒事空言為一己之計可乎趙  
申喬亦曾奏朕為人臣者當為朝廷做一番事

大學士溫達奏曰

聖諭誠然為人臣者當實心効力不可徒為空言  
上曰凡事先行後方可言耳貝和諾齊世武陳詵  
出郭世隆趙申喬留後郭世隆奏曰鎮算總  
兵官張谷貞所題苗子一事奉

旨令臣等回奏彼處苗子俱係熟苗其間或有不  
肖者走出搶奪生畜人口此等苗子或是張

谷貞或伊標下官兵即可擒拿照律治罪並  
非大盜臣等愚見似可不煩征討趙申喬奏  
曰毛都塘凉水井苗子頑劣者皆由總兵官  
雷如所致張谷貞實心効力苗子一事若交  
與伊辦理綽然有餘可無煩

聖慮

上曰曾問彼千總否伊意若何郭世隆奏曰伊亦

如此云云

上領之郭世隆等出大學士溫達等覆請戶部覆  
福建巡撫黃秉中所題請免臺灣府屬康熙  
五十年應徵稻穀不准行一疏

上曰臺灣府屬應徵五十年稻穀早已徵完雖行  
蠲免於小民無益着將五十一年應徵稻穀蠲  
免又覆請兩廣總督趙弘燦所題原任糧儲驛

傳道張天覺應賠缺少鹽斤銀兩踰限尚未  
賠補仍照前議擬斬其未賠鹽斤銀兩着落  
在原商周殷耀等名下變賣家產賠補之處  
行文該督查明周殷耀等家產可能賠完庫  
銀與否具題到日再議一疏

上曰着展限二年令其賠完又覆請刑部等衙門  
所題以陳四等結夥越省搶奪緣由擬斬流

徒一疏

上曰地方官將陳四等並不詳查放過任意申報  
上司如此則用府州縣何為陳四等經過地方  
官員俱應革職本送進朕將改簽又覆請刑部  
等衙門所題鑲藍旗常祿佐領下驍騎校沙  
布祿家麻色因鬪毆用小刀戳死同旗法富  
里佐領下三哥相應照新例立斬一疏

上曰這案雖以麻色擬罪將麻色之主開脫並未  
議及本發還着將麻色之主一併議奏又覆請  
刑部等衙門所題陝西緩決案內折角事

上曰折角者俱着減等發落又覆請都察院所題  
康熙五十年八月給發五城取用車夫口糧  
匠役工價數目造冊呈

上曰此係小事嗣後不必用本具題着每月繕摺具奏又覆請都察院吏科所題科道內陞外轉

二疏

上曰俱問趙申喬覆奏又覆請湖廣鎮筭總兵官張谷貞所奏請搜勦毛都塘山寨苗子一疏

上曰着交該部大學士溫達等奏曰臣等遵旨以毛來鳳問正藍旗大人據云毛來鳳為人甚